

Tu ad liberandum suscepturus  
hominem : \* non horruisti Virgo-  
nis úterum.

Tu devicto mortis aculeo, \* ape-  
ruisti credentibus regna cœlo-  
rum.

Tu ad dexteram Dei sedes : \* in  
gloria Patris.

Judex crederis \* esse venturus.

Te ergo, quæsumus, tuis famu-  
lis sùbveni : \* quos pretioso Sán-  
guine redemisti.

Æterna fac cum Sanctis tuis \*  
in gloria numerari.

Salvum fac populum tuum,  
Dómine : \* et bénedic hereditati  
tuæ.

Et rege eos, \* et extolle illos us-  
que in æternum.

Per singulos dies, \* benedíci-  
mus te.

Et laudamus nomen tuum in  
sæculum, \* et in sæculum sæ-  
culi.

Dignare, Dómine, die isto : \*  
sine peccato nos custodire.

Miserere nostri, Dómine : \* mi-  
serere nostri.

Fiat misericordia tua, Dómine  
super nos : \* quemadmodum spe-  
rávimus in te.

In te, Dómine, sperávi : \* non  
confundar in æternum.

#### AD LAUDES.

**X.** D EUS, in adjutorium, meum  
intende. **R.** Dómine, ad ad-  
juvandum me festina. Glória Pa-  
tri, et Fílio, et Spirítui sancto.  
Sicut erat in principio, et nunc,  
et semper, et in sæcula sæculó-  
rum. Amen. Allelúia.

**Aña.** Ante luciferum génitus, \*  
et ante sæcula, Dóminus Salvá-  
tor noster hodie mundo appá-  
ruit.

#### Psalmus 92.

D OMINUS regnávit, decórem in-  
dútus est : \* indútus est Dó-  
minus fortitudinem, et præcín-  
xit se.

Etenim firmavit orbem terræ,  
\* qui non commovébitur.

Paráta sedes tua ex tunc : \* a  
sæculo tu es.

Elevavérunt flúmina, Dómine :  
\* elevavérunt flúmina vocem  
suam.

Elevavérunt flúmina fluctus  
suos : \* a vócibus aquárum mul-  
tárum.

Mirábiles elatiónes maris : \*  
mirábilis in altis Dóminus.

Testimónia tua credibília facta  
sunt nimis : \* domum tuam decet  
sanctitúdo, Dómine in longitúdi-  
nem diérum.

**Aña.** Ante lucíferum génitus, et  
ante sæcula, Dóminus Salvátor  
noster hódie mundo appáruit.

**Aña.** Venit lumen tuum, \* Je-  
rúsalem, et glória Dómini super-  
te orta est : et ambulábunt gentes  
in lúmine tuo, allelúia.

### Psalmus 99.

**J**UBILATE Deo, omnis terra : \*  
servítate Dómino in lætitia.

Introíte in conspéctu ejus, \*  
in exsultatióne.

Scítote quóniam Dóminus ipse  
est Deus : \* ipse fecit nos, et non  
ipsi nos :

Pópulus ejus, et oves páscuæ  
ejus : \* introíte portas ejus in con-  
fessióne, átria ejus in hymnis :  
confitémini illi.

Laudáte nomen ejus : quóniam  
suávis est Dóminus, in æténum  
misericórdia ejus : \* et usque in  
generatióne et generatióne  
véritas ejus.

**Aña.** Venit lumen tuum, \* Je-  
rúsalem, et glória Dómini super-  
te orta est : et ambulábunt gen-  
tes in lúmine tuo, allelúia.

**Aña.** Apértis thesáuris suis \*  
obtulérunt Magi Dómino aurum,  
thus, et myrrham, allelúia.

### Psalmus 62.

**D**EUS Deus meus, \* ad te de luce  
vígilo.

Sitívit in te ánima mea, \* quam  
multiplíciter tibi caro mea.

In terra desérta, et ívia, et ina-  
quósa : \* sic in sancto appárei

tibi, ut vidérem virtútem tuam,  
et glóriam tuam.

Quam mélior est misericórdia  
tua super vitas : \* lábia mea lau-  
dábunt te.

Sic benedícām te in vita mea :  
\* et in nómine tuo levábo manus  
meas.

Sicut ádipe et pinguédine re-  
pleátur ánima mea : \* et lábiis  
exultatiónis laudábit os meum.

Si memor fui tui super stra-  
tum meum, in matutínis medi-  
tábor in te : \* quia fuísti adjútor  
meus.

Et in velaménto alárum tuá-  
rum exsultábo, adhæsit ánima  
mea post te : \* me suscépit déx-  
tera tua.

Ipsi vero in vanum quæsié-  
runt ánimag meam, introíbunt  
in inferiόra terræ : \* tradéntur  
in manus gládii, partes vúlpium  
erunt.

Rex vero lætabitur in Deo, lau-  
dabuntur omnes qui jurant in

eo : \* quia obstrúcum est os lo-  
quéntium iníqua.

**Hic non dicitur** Glória Patri.

**Psalmus 66.**

DEUS misereártur nostri, et be-  
nedícāt nobis : \* illúminet  
vultum suum super nos, et mise-  
reártur nostri.

Ut cognoscámus in terra viam  
tuam, \* in ómnibus géntibus sa-  
lutáre tuum.

Confiteántur tibi pópuli, Deus :  
\* confiteántur tibi pópuli omnes.

Læténtur et exsúltent gentes :  
\* quóniam júdicas pópulos in æ-  
quitáte, et gentes in terra díri-  
gis.

Confiteántur tibi pópuli, Deus :  
confiteántur tibi pópuli omnes :  
\* terra dedit fructum suum.

Benedícāt nos Deus, Deus no-  
ster, benedícāt nos Deus : \* et  
métuant eum omnes fines terræ.

**Aña** Apértis thesáuris suis ob-  
tulérunt Magi Dómino aurum,  
thus, et myrrham, allelúia.

**Aña.** Mária et flúmina, benedícite Dómino : hymnum dícite, fontes, Dómino, allelúa.

**Canticum trium puerorum.**

Dan. 3.

**B**ENEDICITE, ómnia ópera Dómini, Dómino : \* laudáte et superexaltáte eum in sæcula.

Benedícite, Angeli Dómini, Dómino : \* benedícite, cœli, Dómino.

Benedícite, aquæ omnes, quæ super cœlos sunt, Dómino : \* benedícite, omnes virtutes Dómini, Dómino.

Benedícite, sol, et luna, Dómino : \* benedícite, stellæ cœli, Dómino.

Benedícite, omnis imber, et ros, Dómino : \* benedícite, omnes spíritus Dei, Dómino.

Benedícite, ignis, et aestus, Dómino : \* benedícite, frigus, et aestus, Dómino.

Benedícite, rores, et pruina, Dómino : \* benedícite, gelu, et frigus, Dómino.

Benedícite, glácies, et nives, Dómino : \* benedícite, noctes, et dies, Dómino.

Benedícite, lux, et ténebræ, Dómino : \* benedícite, fúlgura, et nubes, Dómino.

Benedícitat terra Dóminum : \* laudet, et superexáltet eum in sæcula.

Benedícite, montes et colles, Dómino : \* benedícite, univérsa germinántia in terra, Dómino.

Benedícite, fontes, Dómino : \* benedícite, mária, et flúmina, Dómino.

Benedícite, cete, et ómnia, quæ movéntur in aquis, Dómino : \* benedícite, omnes vólucres cœli, Dómino.

Benedícite, omnes béstiae et pécora, Dómino : \* benedícite, filii hóminum, Dómino.

Benedícitat Israel Dóminum : \* laudet et superexáltet eum in sæcula.

Benedícite, sacerdótes Dómini,

Dómino : \* benedícite, servi Dómini, Dómino.

Benedícite, spíritus, et ánime justórum, Dómino : \* benedícite, Sancti et húmiles corde, Dómino.

Benedícite, Ananía, Azaría, Mísael, Dómino : \* laudáte, et superexaltáte eum in sæcula.

Benedicámus Patrem, et Fílium, cum sancto Spíritu : \* laudémus et superexaltémus eum in sæcula.

Benedictus es, Dómine, in fir-maménto cœli : \* et laudábilis, et gloriósus, et superexaltátus in sæcula.

**Hic non dicitur Glória Patri. neque Amen.**

**Aña.** Mária et flúmina, benedícite Dómino : hymnum dícite, fontes, Dómino, allelúia.

**Aña.** Stella ista \* sicut flamma corúscat, et Regem regum Deum demónstrat : Magi eam vidérunt, et magno Regimúnera obtulérunt.

## Psalmus 148.

**L**AUDATE Dóminum de cœlis : \* laudáte eum in excélsis.

Laudáte eum, omnes Angeli ejus : \* laudáte eum, omnes virtutes ejus.

Laudáte eum, sol et luna : \* laudáte eum, omnes stellæ et lu-men.

Laudáte eum, cœli cœlórum : \* et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : \* ipse mandávit, et créata sunt.

Státuit ea in aetérnum, et in sæculum sæculi : \* præcéptum pósuit et non præteribit.

Laudáte Dóminum de terra, \* dracónes, et omnes abyssi.

Ignis, grando, nix, gláicies, spíritus procellárum : \* quæ fáciunt verbum ejus.

Montes, et omnes colles : \* lig-na fructífera, et omnes cedri :

Béstiae, et univérsa pécora : \* serpéntes, et vólucres pennátæ :

**R**eges terræ, et omnes pópuli : \* príncipes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solius.

Conféssio ejus super cœlum et terram : \* et exaltávit cornu pópuli sui.

Hymnus ómnibus Sanctis ejus : \* filiis Israel, pópulo appropinquanti sibi.

**Hic non dicitur** Glória Patri.

**Psalmus 149.**

**C**ANTATE Dómino cáanticum novum : \* laus ejus in Ecclésia sanctórum.

Lætétur Israel in eo, qui fecit eum : \* et filii Sion exsúltent in rege suo,

Laudent nomen ejus in choro : \* in tympano et psaltério psallant ei.

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* lætabúntur in cubílibus suis.

Exaltatiónes Dei in gútture eórum : \* et gládii ancípites in mániibus eórum :

Ad faciéndam vindictam in na-tiónibus : \* increpatiόnes in pó-pulis.

Ad alligándos reges eórum in compédibus : \* et nóbiles eórum in mánicis férreis.

Ut fácient in eis judícium con-scriptum : \* glória hæc est ómnibus Sanctis ejus.

**Hic non dicitur** Glória Patri.

**Psalmus 150.**

**L**AUDATE Dóminum in sanctis ejus : \* laudáte eum in firma-ménto virtútis ejus.

Laudáte eum in virtútibüs ejus : \* laudáte eum secúndum multi-túdinem magnitúdinis ejus.

Laudáte eum in sono tubæ : \* laudáte eum in psaltério, et cí-thara.

Laudáte eum in tympano, et

choro : \* laudáte eum in chordis et órgano.

Laudáte eum in cymbalis benesonántibus , laudáte eum in cymbalis jubilatiónis : \* omnis spíritus laudet Dóminum.

**Aña.** Stella ista sicut flamma corúscat, et Regem regum Deum demónstrat : Magi eam vidérunt, et magno Regi múnera obtuléront.

**Capitulum.** *Isaiæ 60.*

**S**URGE, illumináre, Jerúsalem, quia venit lumen tuum et glória Dómini super te orta est.

**B.** Deo grátias.

**Hymnus.**

**O** SOLA magnárum úrbium Major Bethlem, cui cóntigit Ducem salútis cœlitus Incorporátum gignere. Quem stella, quæ solis rotam Vincit decóre ac lúmine : Venísse terris núnctiat Cum carne terréstri Deum. Vidére postquam illum Magi

Eóa promunt múnera ; Stratique votis ófferunt Thus, myrrham et aurum régium. Regem Déumque annúntiant Thesáurus, et fragrans odor Thuris Sabæi, ac myrrheus Pulvis sepúlchrum prædocet. Jesu, tibi sit glória, Qui apparuísti géntibus, Cum Patre, et almo Spíritu In sempitérna sæcula. Amen.

**V.** Adoráte Deum, allelúia. **R.** Omnes Angeli ejus, allelúia.

**Aña.** Hódie cœlesti sponso juncta est Ecclésia, quóniam in Jordáne lavit Christus ejus crímina ; currunt cum munéribus Magi ad regáles núptias : et ex aqua facto vino lætántur convívæ, allelúia.

**Canticum Zachariæ.** *Lucæ 1. q.*

**B**ENEDICTUS Dóminus Deus Israël, \* quia visitávit, et fecit redemptiōnem plebis suæ.

Et eréxit cornu salútis nobis, \* in domo David púeri sui.

Sicut locútus est per os sanctó-

rum, \* qui a sæculo sunt, Prophetarum ejus :

Salutem ex inimicis nostris, \* et de manu omnium, qui odérunt nos :

Ad faciéndam misericordiam cum pátribus nostris : \* et memorári testaménti sui sancti.

Jusjurandum, quod jurávit ad Abraham patrem nostrum, \* datum se nobis :

Aut sine timóre, de manu inimicorum nostrorum liberati, \* serviámus illi :

In sanctitáte et justítia coram ipso, \* omnibus diébus nostris.

Et tu, puer, Prophéta Altissimi vocáberis : \* praeibis enim ante fáciem Dómini parare vias ejus :

Ad dandam sciéntiam salútis plebi ejus : \* in remissiónem peccatórum eórum.

Per viscera misericordiae Dei nostri : \* in quibus visitávit nos, oriens ex alto :

Illumináre his, qui in ténebris et in umbra mortis sedent : \* ad dirigéndos pedes nostros in viam pacis.

Glória Patri. Sicut erat.

Aña. Hódie cœlesti sponso juncta est Ecclésia, quóniam in Jordáne lavit Christus ejus crímina : currunt cum munéribus Magi ad regáles nuptias : et ex aqua facto vino lètantur convívæ, allelúia.

X. Dóminus vobiscum.

R. Et cum spíritu tuo.

Orémus. Oratio.

DEUS, qui hodiéra die Unigenitum tuum géntibus stella duce revelásti : concéde propitius, ut qui jam te ex fide cognovimus, usque ad contemplándam spéciem tuæ celsitudinis perducámur. Per eúmdem Dóminum nostrum Jesum Christum Fílium tuum, qui tecum vivit, et regnat in unitáte Spíritus sancti Deus, per omnia sæcula sæculórum.

R. Amen.